



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Domus Æternitatis Damnatae

Dirckinck, Johann

Coloniae Agrippinae, 1713

30. Signa reprobationis & damnatae æternitatis.

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)

308 *Domus aternitatis. Consideratio*
raliter certa habes, quòd nomen tuum
scriptum sit in libro vitæ: quodque sis
præscitus, prædestinatus & prædilectus
à Deo: quia conformis es imagini Filii
Dei, in timore Domini, in detestatione
peccati, in tribulatione, humilitate, mi-
sericordia, inimicorum dilectione, casti-
tate, amore SS. Eucharistiæ, & B. V. Ma-
riæ. Nam *Quos præscivit & prædestina-*
vit, conformes fieri, imagini Filii sui, hos
& vocavit, quos autem vocavit, & justifi-
cavit: & quos justificavit, illos & glorifica-
vit. Rom. c. 8. 29.

CONSIDERATIO XXX.

Signa reprobationis & damnatæ æ-
ternitatis.

Deleantur de Libro viventium. Psal. 68.

27. Septembris.

CUpisne nunc quoque, Chare Le-
ctor, intelligere signa reprobatio-
nis, ut ea cane pejus & angue fugias, aut
si ea in te deprehenderis, elimines? Ecce
sequentia; signis prioribus è diametro
opposita.

I. Sig

I. Signum primum reprobationis ac damnatæ æternitatis, quæ reprobos expectat: est *facilitas peccandi*. Hoc ex opposito prædestinationis signo, de quo antè, sequitur: Nam oppositorum eadem est disciplina, juxta Aristotelem Topic. c. 8. Peccandi enim facilitas deviat & abducit à termino prædestinationis, & ad reprobationis terminum adducit; dum peccata peccatis addit, atque ita peccandi consuetudinem inducit; consuetudo autem peccandi finalem gignit impœnitentiam: impœnitentia verò reprobationem ac damnationem æternam; secundum illud Psalmi 68. *Appone iniquitatem super iniquitatem* (id est, peccatum peccato adde) & mox subdit Propheta, quod inde sequitur: *Deleantur de libro viventium*. Ac proinde in mortis æternæ libro scribantur.

II. Signum reprobationis est, post commissa peccata, tarda, ficta, & *infructuosa pœnitentia*: qualis fuit Regis Saulis, Antiochi, Judæ, & aliorum. Ejusmodi enim pœnitentia, Deum ad iracundiam provocat, peccatorem ipsummet fallit,

310 *Domus aternitatis. Consideratio*
fallit, medicinam in venenum convertit,
peccata priora, novis peccatis ac sacrile-
giis accumulatur, fructus dignos pœni-
tentiae minimè facit, nec fructus operum
bonos, sed malos producit; *Omnis autem*
arbor, quæ non facit fructum bonum exci-
detur & in ignem mittetur. Matth. c. 7. 19.

III. Signum reprobationis est *prospe-*
ritas temporalis. Huic enim si cor affi-
gas, inducit oblivionem Dei, nauseam
rerum spiritualium, ansam multiplicem
peccandi, parit amorem sæculi, negle-
ctum æternorum; odiumque crucis
Christi ac tribulationis tolerandæ pro
Christo. Unde talibus à Deo intentatur
væ: *Væ vobis divitibus, qui habetis hinc*
consolationem vestram. Væ vobis qui ride-
tis nunc, quia lugebitis, & flebilis. Lucae
c. 6. Estis enim hostes crucis & adver-
sarij; *Inimici crucis Christi, quorum finis*
interitus. Ad Philip. c. 3.

Admonitio.

DEus vult omnes homines salvos fieri,
& ad agnitionem veritatis venire.
1. Tim. c. 2. 4. Christus enim pro omnibus
mor

Septembris 27.

311

mortuus est. 2. Corinth. c. 5. Modò ipsi-
met perire nolint. Quisquis igitur repro-
bis accenseri & perire non vult, fugiat
peccata: quia qui facit peccatum ex
Diabolo est. 1. Joan. c. 3. Et filius perdi-
tionis. Quod si peccaverit, pœnitentiam
agat: *Nisi pœnitentiam habueritis, omnes
similiter peribitis.* Lucæ c. 13. 3. Denique
divitiæ si affluant, cor non apponat. *Faci-
lius enim est, camelum per foramen acûs
transire, quam divitem intrare in regnum
calorum.* Matth. c. 19. 24.

28. Septembris.

IV. **R**eprobationis signum est *Super-
bia.* Deus enim superbis resistit.
Jacobi c. 4. 6. Quemadmodum Phari-
sæum in injustitiis suis reliquit; Golia-
thum prostravit; Amanum suspendit;
Antiochum peremit; Pharaonem sub-
mersit; Luciferum de cælo in tartarum
præcipitavit. *Videbam Sathanam sicut ful-
gur de cælo cadentem.* Lucæ c. 10. 18. Cæ-
terosque spiritus superbos, rudentibus
cæli detractos, in tartarum tradidit cru-
ciandos. 2. Petri c. 2. 4. Unde verè Serva-
tor

Pars III.

O

tor

312 *Domus aternitatis. Consideratio*
tor nolter minatus est. Lucæ c. 14. 11.
Qui se exaltat, humiliabitur, usque ad
profundam inferni abyllum.

V. Signum reprobationis est, *avaritia & immisericordia* in pauperes. Hæc enim cor Dei à se avertit; cor proprium indurat, charitatem violat, cælo excludit; atque in inferno, velut Epulonem divitem, sepelit. *Scitote, ait Apostolus, quia omnis avarus, non habet hereditatem in regno Christi & Dei.* Ad Ephes. c. 5. Ideoque in die iudicii, decretoriam Christi audiet sententiam: *Ite maledicti in ignem aeternum, esurivi enim & non dedistis mihi manducare.* Matth. c. 25.

VI. Signum reprobationis est *ira & vindicta* contra proximum. Hæc enim manus divinas ligat, misericordiam Dei sufflaminat, veniæ fores obstruit, pœnæ talionis inducit: *Si non dimiseritis hominibus, nec Pater celestis dimittet vobis peccata vestra.* Matth. c. 6. Et; *Serve nequam, omne debitum dimisi tibi, quoniam rogasti me; nonne ergo oportuit & te misereri conservi tui; sicut & ego tui misertus sum.* Et iratus Dominus ejus tradidit eum tortoribus,

toribus, quoad usque redderet universum debitum: Sic & Pater meus faciet vobis, si non remiseritis unusquisque fratri suo de cordibus vestris. Matth. c. 18. 32.

Monitum.

O Superbe! O Avare! O Iracunde; spirans minarum & cædis! Si salutem tuam, si animam tuam, si Deum tuum amas: ternas hasce vitiorum pestes extirpa & corrige, tanquam expressa reprobationis cauteria ac stigmata. Et Pœnitentiam age, Principis Apostolorum, amplectens monitum: *Satagite, ut per bona opera, certam vestram vocationem & electionem faciatis.* 2. Petri c. 1. Ut enim Doctor Angelicus docet: *Per bona opera, prædestinationis nostræ effectus, certitudinaliter impletur* 1. p. q. 23. a. 8. Audi quoque documentum S. Augustini: *Si non es prædestinatus, fac ut prædestineris, & enitere ita vivere, ut caelesti habitationi congruas.* De fide & oper. c. 22.

29. Septembris.

VII. **R**eprobationis signum est *Luxuria*. Hæc enim corpus maculat;

O 2

lat;

314 *Domus aeternitatis. Consideratio*
lat; animæ vitam necat; intellectum ob-
fuscat, voluntatem indurat; mortis &
aeternitatis horrorem caulat. Hæc mun-
dum universum cataclysmo inundavit;
pentapolim igne sulphureo combussit;
multos hominum milliones cælo exclu-
sit; atque in orcum præcipitavit. *Foris*
canes & impudici. Apoc. c. 22. 15. Quare
tam seriò monet Apostolus: *Nolite erra-*
re, neque fornicarii, neque adulteri, neque
molles, regnum Dei possidebunt. 1. Corinth.
c. 6. 9. Sed regnum Luciferi, regnum
triste Diabolorum ac damnatorum, ob-
tinebunt: Ubi vermis eorum non mo-
ritur; ubi ignis non extinguitur; ubi
fumus tormentorum eorum ascendit in sa-
cula seculorum. Apoc. c. 14. 11.

VIII. Signum reprobationis est SS.
Eucharistia usus rarus ac præsertim sacri-
legus. Qui rarò hoc cœlesti epulo refi-
citur, ex defectu alimonix, debilis ma-
net in spiritu, ac proinde facilè à tenta-
tione vincitur, atque à Diabolo proster-
nitur. Qui sacrilegè sumit, novo se sce-
lere obstringit; dæmonem in cor suum,
velut alter Judas, inducit; theriacam ani-
mæ,

mæ, in venenum convertit; Christi corpus ac sanguinem gravissimè inhonorat; Angelos contristat; iudicium sibi manducat & bibit, mortemque sempiternam sibi accersit. *Quicumque manducaverit panem, vel biberit calicem Domini indignè, reus eris corporis & sanguinis Domini; & iudicium (damnationis) sibi manducat & bibit.* 1. Corinth. c. II. 17.

IX. Signum reprobationis est *inde-
votio erga beatissimam Virginem Mariam,
Christi Domini nostri matrem benedi-
ctam.* Hæc enim indevotio, obstruit fontem misericordiæ; obturat canalem gratiæ; claudit paradisi januam; tollit cæli scalam; viæ Ducem respuit; patrocinium potens amittit; clypeum protectionis contra hostes stygios abjicit; ac proinde facilè superatur & perit. *Qui me invenerit [orat Ecclesia in offic. B. V.] inveniet vitam, & hauriet salutem à Domino (ecce signum prædestinationis) Qui peccaverit in me, ledet animam suam. Omnes qui oderunt me, diligunt mortem. Proverb. c. 8. [ecce signum reprobationis.]* Hinc verè & præclare S. Bonaven-

316 *Domus eternitatis. Consideratio*
tura de B. V. scribit: Sicut à beatissima
Virgo! omnis à te aversus & despectus, ne-
cesse est ut intereat; ita omnis ad te conver-
sus & à te respectus, impossibile est, ut pe-
reat. In Spec. Virg. c. 3.

Paranesis.

O Anima Christiana! sive clerica-
lis, sive regularis, sive sæcularis, at-
tende tibi: ecce enim stas in bivio æter-
nitatis beatæ atque damnatæ: & harum
alterutra est tibi plus quàm certa: ad
alterutram, diu, noctuque magnis passi-
bus properas: ab alterutra non longè di-
stas. Vide igitur, ad quamnam tendas &
omni velocitate curras; quæque alter-
utrius signa prognostica, in te reperias:
si luxuriam, si raram, malumve usum
Eucharistiæ, si defectum devotionis erga
Matrem gratiæ, & alia antedicta; signa
habes valde probabilia & quasi mora-
liter certa, reprobationistux, ac damna-
tionis æternæ: quæ si remove salu-
tè inque in tuto locare cupias; castimo-
niam sectare; mensam divinam piè fre-
quentia; Deiparam, ut matrem, venerare
& ama.

& ama. Sic scopulos peccatorum, ventos tentationum, signa & pericula reprobationis feliciter evades. *Respice stellam, voca Mariam; atque ut impetres intercessionis suffragium; non deseras conversationis exemplum.* S. Bernard.

30. Septembris.

Clauſula tractatûs de æternitate
damnata.

I. **O** Tristis! ô lamentabilis! ô terribilis damnata damnatorum omnium æternitatis, inter pœnas inferni infinitas! quàm rarò versaris in mentibus hominum! ac proinde ubivis in orbe terrarum, tam vastum exundat malitiæ & nequitiae diluvium. *Maledictum est mendacium & homicidium & furtum inundaverunt.* Osee. c. 4. 2. O æternitas summè infelix, summè luctuosa & calamitosa, quàm parùm penetras corda mortalium! O infernus suppliciorum omnium maximum, terribilium omnium terribilissimum, tormentorum omnium extremum; malorum omnium excogitabilium locus proprius & centrum, quàm

318 *Domus aternitatis. Consideratio*
parùm afficis & moves, quàm parùm ter-
res, domas, frangis mentes perversas ho-
minum ! Hinc tanta dominatur in mun-
do cæcitas, grassatur libertas, protervia,
vesania & furor Peccatorum debaccha-
tur pro momentaneo gaudio, pro tenui
lucello, pro honoris evanidi fumo, in
miseriam omnium abyssum, oculis vel
clausis vel apertis ruentium. Quænam verò
hujus amentia prima radix ? Oseas eam
innuit; *Non est qui recogitet corde. l. c.* Non
est, qui novissima, & præsertim tormenta
gehennæ sempiterna, seriò consideret.

II. Et quia hæc incuria, negligentia
& amentia invasit Ethnicos, Atheos, Ma-
hometanos, Turcas, Indos, Brasilos, Ju-
dæos, & hæreticos: hinc pecorum more,
contra rationis leges, vitam ducunt, in
omnia scelera, atque ex his in perpetua
gehennæ incendia turmatim, caterva-
timque ruunt. Et quia plurimos quoque
occupat Christianos Catholicos, qui
quidem in concionibus, toties de pœnis
infernæ audiunt, vel saltem audire que-
unt, & negligunt; totque præ aliis omni-
bus, salutis abundant medius, & despi-
ciunt

ciunt: hi non solum æternis orci addi-
centur suppliciis, verùm etiam longè a-
trocioribus in avernali carcere cruciati-
bus torquebuntur: ut enim vir quidam
pius, & illuminatus asserere solebat: Ma-
hometani ad infernum: hebræi ad infer-
num: hæretici ad infernum: mali verò
Christiani, mali catholici, mali sacerdo-
tes, ad infimam inferni abyssum: quia si-
cut lumen eorum, ita & tenebræ: *Sicut te-
nebra ejus, ita & lumen ejus.* Psal. 138. 12.

III. Neque objicias; cogitationes se-
rias, attentæque de æternitate, aut ge-
henna, posse hominem redigere ad in-
saniam: quia gravis is error est; cogita-
tiones enim hujusmodi possunt amentes
ad mentem revocare: possunt enim ad
orcum stultè currentes, sapienter ad cæ-
lum reducere. Sed stultus non intelligit
hæc. Aperi, Domine, oculos stultorum,
quorum infinitus est numerus; ut vi-
deant nunc, quæ sunt videnda; *ne evigi-
lent in opprobrium & videant semper*: ac
tunc re ipsa ea experiantur, quæ nunc vi-
dere noluerunt. Unusquisque illorum,
obsecro & obtestor, audiat S. Chryosto-
mum

320 *Domus aternitatis. Consideratio*
mum Tom. 1. in Psal. 11. ita rogantem:
Rogo te, ut gehenna memineris, de gehenna
loquaris: magna est enim horum verbo-
rum utilitas: Et ideo diabolus omnia facit,
Et molitur, ejus volens auferre memoriam.
Noli eam à memoria eicere. Nec dicas,
quid me importunà afficiam tristitià? Im-
portuna erit, quando eris in gehenna. Finio
cum eodem Oratore aureo: *Noli igitur*
horum memoriam deponere: Non enim si-
net in gehennam incidere, gehenna memi-
nisse. Hom. 31. in Epist. 1. S. Pauli ad
Rom. c. 16.

Oratio

Ad Christum Dominum, Redemptorem
nostrum.

Domine JESU Christe, Redemptor
amantissime, qui propter nimiam
charitatem tuam, quâ dilexisti nos, mor-
tem crucis amarissimam subire dignatus
es, ut à morte ac damnatione perpetua
nos vindicares. Libera quæso me famu-
lum tuum, ab infernali carcere; ac hor-
rendo Dæmonum ac damnatorum con-
sortio: *Qui procul à beata paradisi patria*
pulsus

pulsi & elongati cruciabuntur in gehenna perpetua, nunquam lumen visuri; nunquam refrigerium adepturi, sed per millia millium annorum, in inferno cruciandi, nec inde unquam sunt liberandi. S. Bernard. medit. c. 3.

Libera me de ore leonis, ac draconis ab æterna caligine & mephyti, à fame & siti, ab igne & stridore, à fletu & lamentatione, in orci voragine: Ubi nec qui torquet aliquando fatigatur; nec qui torquetur aliquando moritur: ubi ignis sic consumit, ut semper reservet; sic tormenta aguntur; ut semper renoventur: nihilque aliud auditur, nisi fletus & planctus, gemitus & ululatus, mœrores & stridores dentium. Idem l.c.

Liberes me à conscientia verme; & animi perturbatione; ab horrore & dedecore; à desperatione & maledictione; à pœna damni & visionis beatificæ privatione; in illa avernali caligine: Ubi nihil videbitur, nisi vermes & larvales facies tortorum, atque terribilia monstra demonum: ubi vermes crudeles mordebunt intima cordium, ardebuntque miseri in igne.

322 *Domus aetern. Consider. Septembr. 30.*
igne aeterno in aeternum, & ultra. Ubi erit
dolor intolerabilis; timor horribilis, foetor
incomparabilis, mors anima & corporis,
sine spe veniae & misericordiae. l. c. Verbo,
hoc peto suppliciter, ut poenis inferni
horrendis ereptus, te facie ad faciem vi-
dere, amare, ac possidere merear, in cae-
lesti patria: Ubi, misericordias Domi-
ni in aeternum cantabo. Psal. 88. Ubi
Confitebor tibi Domine Deus meus, in toto
corde meo, & glorificabo nomen tuum in
aeternum: quia misericordia tua magna est
super me & eruisti animam meam ex in-
ferno inferiori. Psal. 85. Qui cum Pa-
tre & Spiritu Sancto vivis & regnas
in saecula saeculorum.

Amen.

F I N I S.



INDEX